

munda & immaculata apud Deum & Patrem, hæc est: Visitare pupillos & viduas in tribulatione eorum, & immaculatum se custodire ab hoc sæculo.

IN LITANIIS majoribus.

Lectio Epistolæ B. Jacobi Apóstoli.

Jacob
5.

Charissimi: Confitemini alterutrum peccata vestra, & orate pro invicem ut salvemini: multum enim valet deprecatio justi assidua. Elías homo erat similis nobis passibilis: & oratione oravit ut non plueret super terram, & non pluit annos tres, & menses sex. Et rursùm oravit: & cœlum dedit pluviam, & terra dedit fructum suum. Fratres mei, si quis ex vobis

erraverit à veritate, & converterit quis eum: scire debet quoniam qui converti fecerit peccatorem ab errore viæ suæ, salvabit animam ejus à morte, & operiet multitudinem peccatorum.

IN VIGILIA Ascensionis.

Lectio Epistolæ Beati Pauli Apóstoli ad Ephésios.

Fratres: Unicuique nostrum data est gratia secundum mensuram donationis Christi. Propter quod dicit: Ascendens in altum, captivam duxit captivitatem: dedit dona hominibus. Quod autem ascendit, quid est, nisi quia & descendit primum in inferiores partes terræ? Qui descendit, ipse est & qui ascendit su-

per

IN DIE ASCENSIONIS DOMINI.

Lectio Actuum Apóstolorum.

Act. 1

Primum quidem sermonem feci de omnibus, o Theophile, quæ cepit Jesus facere & docere, usque in diem, qua præcipiens Apóstolis per Spiritum Sanctum, quos elegit, assumptus est: quibus & præbuit seipsum vivum post passionem suam in multis argumentis, per dies quadraginta apprensus eis, & loquens de regno Dei. Et convescens præcepit eis ab Hierosolymis ne discerent, sed expectarent promissionem Patris, quam audistis (inquit)

per os meum: quia Joannes quidem baptizavit aqua, vos autem baptizabimini Spiritu Sancto non post multos hos dies. Igitur qui convenerant, interrogabant eum dicentes: Domine, si in tempore hoc restitues regnum Israël? Dixit autem eis: Non est vestrum nosse tempora vel momenta, quæ Pater posuit in sua potestate: sed accipietis virtutem supervenientis Spiritus Sancti in vos, & eritis mihi testes in Hierusalem, & in omni Judæa, & Samaria, & usque ad ultimum terræ. Et cum hæc dixisset, videntibus illis elevatus est: & nubes suscepit eum ab oculis

VI

P 2

eô-

eorum. Cùmque intue-
rentur in cœlum euntem
illum, ecce duo viri asti-
terunt juxta illos in vesti-
bus albis, qui & dixerunt:
Viri Galilæi, quid statis
aspicientes in cœlum? Hic
Jesus qui assumptus est
à vobis in cœlum, sic ve-
niet quemadmodum vi-
distis eum euntem in
cœlum.

DOMINICA
Infraoctavam Ascen-
sionis.

Lectio Epistolæ B. Petri
Apostoli.

1. Pe-
tr. 4.

Charissimi: Estote
prudentes, &
vigilate in ora-
tionibus. Ante omnia au-
tem, mutua in vobis
metipsis charitatem con-
tinuam habentes: quia
charitas operit multitudi-
nem peccatorum. Hos-
pitales invicem sine mur-

muratione. Unusquis-
que, sicut accipit grã-
tiam, in alterutrum illam
administrantes, sicut bo-
ni dispensatores multi-
formis gratiæ Dei. Si quis
loquitur, quasi sermones
Dei: si quis ministrat,
tamquam ex virtute,
quam administrat Deus:
ut in omnibus honorifi-
cetur Deus per Jesum
Christum Dominum nos-
trum.

FERIA SEXTA
Post octavam Ascen-
sionis.

Epistola Dominicæ præ-
cedentis: Charissimi: Es-
tote prudentes; ut supra.

IN

IN VIGILIA
Pentecostes.

Sequentes Prophetiæ
leguntur sine titulo.

PROPHETIA I.

Gen.
22.

IN diebus illis: Tentã-
vit Deus Abraham,
& dixit ad eum:
Abraham, Abraham. At
ille respondit: Adsum.
Ait illi: Tolle filium tuum
unigenitum, quem dili-
gis, Isaac, & vade in ter-
ram visionis: atque ibi of-
feres eum in holocaustum
super unum moun-
tium quem monstravero
tibi. Igitur Abraham de
nocte consurgens, stravit
asinum suum, ducens se-
cum duos juvenes, &
Isaac filium suum. Cùm-
que concidisset ligna in
holocaustum, abiit ad lo-
cum quem præceperat ei
Deus. Die autem tertio,
elevatis oculis, vidit lo-

cum procùl: dixitque ad
pueros suos: Expectate
hic cum asino: ego &
puer illuc usque prope-
rantes, postquam adora-
verimus, revertemur ad
vos. Tulit quoque ligna
holocausti, & imposuit
super Isaac filium suum:
ipse verò portabat in má-
nibus ignem & gladium.
Cùmque duo pergerent
simul, dixit Isaac patri
suo: Pater mi. At ille res-
pondit: Quid vis fili? Ec-
ce, inquit, ignis & ligna:
ubi est víctima holocausti?
Dixit autem Abra-
ham: Deus providébit si-
bi victimam holocausti,
fili mi. Pergébant ergo
pariter: & venerunt ad lo-
cum quem ostenderat ei
Deus, in quo ædificavit
altare, & desuper ligna
composuit: cùmque alli-
gasset Isaac filium suum,
posuit eum in altare super
struem lignorum. Extén-

dit-

ditque manum, & arripuit gladium, ut immolaret filium suum. Et ecce Angelus Domini de caelo clamavit, dicens: Abraham, Abraham. Qui respondit: Adsum. Dixitque ei: Non extendas manum tuam super puerum, neque facias illi quidquam: nunc cognovi quod times Deum, & non pepercisti unigenito filio tuo propter me. Levavit Abraham oculos suos, viditque post tergum arietem inter vepres haerentem cornibus, quem assumens obtulit holocaustum pro filio. Appellavitque nomen loci illius, Dominus videt. Unde usque hodie dicitur: In monte Dominus videbit. Vocavit autem Angelus Domini Abraham secundo de caelo, dicens: Per memetipsum iuravi, dicit Dominus:

quia fecisti hanc rem, & non pepercisti filio tuo unigenito propter me, benedicam tibi, & multiplicabo semen tuum sicut stellas caeli & velut arenam, quae est in littore maris: possidebit semen tuum portas inimicorum suorum, & benedicentur in semine tuo omnes gentes terrae, quia obedisti voci meae. Reversus est Abraham ad pueros suos, abiieruntque Bersabee simul, & habitavit ibi.

PROPHETIA II.

IN diebus illis: Factum est in vigilia matutina, & ecce respiciens Dominus super castra Aegyptiorum per columnam ignis & nubis, interfecit exercitum eorum: & subvertit rotas currum, ferebanturque in profundum.

Di-

Dixerunt ergo Aegyptii: Fugiamus Israel: Dominus enim pugnat pro eis contra nos. Et ait Dominus ad Moysen: Extende manum tuam super mare ut revertantur aquae ad Aegyptios super currus & equites eorum. Cumque extendisset Moyses manum contra mare, reversum est primo diluculo ad priorem locum: fugientibusque Aegyptiis occurrerunt aquae, & involvit eos Dominus in mediis fluctibus. Reversaeque sunt aquae, & operuerunt currus & equites cuncti exercitus Pharaonis, qui sequentes ingressi fuerant mare: nec unus quidem superfuit ex eis. Filii autem Israel perrexerunt per medium siccis maris, & aquae eis erant quasi promuro a dextris & a sinistris: liberavitque Domi-

nus in die illa Israel de manu Aegyptiorum. Et viderunt Aegyptios mortuos super littus maris, & manum magnam quam exercuerat Dominus contra eos, timuitque populus Dominum, & crediderunt Domino, & Moysi servo eius. Tunc cecinit Moyses & filii Israel carmen hoc Domino, & dixerunt.

PROPHETIA III.

IN diebus illis: Scripsit Moyses canticum, & docuit filios Israel. Praecipitque Dominus Josue filio Nun, & ait: Confortare, & esto robustus: tu enim introduces filios Israel in terram quam pollicitus sum, & ego ero tecum. Postquam ergo scripsit Moyses verba legis hujus in volumine, atque com-

plé-

Deuter. 31.

Exod. 14.

plêvit : præcêpit Levitis, qui portâbant arcam fœderis Dómini, dicens: Tóllite librum istum, & pónite eum in latere arcæ fœderis Dómini Dei vestri: ut sit ibi contra te in testimónium. Ego enim scio contentiõnem tuam, & cervicem tuam duríssimam. Adhuc vivente me, & ingrediẽte vobiscum, sempèr contentiosè egístis contra Dóminum: quantò magis cum mórtuus fúero? Congregâte ad me omnes majôres natu per tribus vestras, atque doctôres, & loquar audientibus eis sermões istos, & invocâbo contra eos cœlum & terram. Novi enim quòd post mortem meam iniquè agêtis, & declinâbitis citò de via, quam præcêpi vobis: & occurrẽnt vobis mala in extremo tẽpore, quando feceritis malum in cons-

pẽctu Dómini, ut irritẽtis eum per ópera manuum vestrarum. Locûtus est ergo Móyses, audiente univèrso cœtu Israël, verba cãrminis hujus, & ad finem usque complêvit.

PROPHETIA IV.

Apprehẽdent sèptem mulieres virum unum in die illa, dicentes: Panem nostrum comedẽmus, & vestimẽtis nostris operiẽmur: tantummodo invocẽtur nomen tuum super nos, aufer opprobrium nostrum. In die illa erit germen Dómini in magnificẽtia & glória, & fructus terræ sublimis, & exultatio his, qui salvati fúerint de Israël. Et erit: Omnis qui relictus fúerit in Sion, & residuus in Jerúsalem, sanctus vocabitur, omnis qui scriptus est

in

in vita in Jerúsalem. Si ablúerit Dóminus sordes filiãrum Sion, & sãnginem Jerúsalem láverit de medio ejus, in spíritu iudicii, & spíritu ardôris. Et creãbit Dóminus super omnem locum montis Sion, & ubi invocãtus est, nubem per diem, & fumum & splendorem ignis flammãntis in nocte: super omnem enim glóriam protectio. Et tabernãculum erit in umbrãculum diẽi ab æstu, & in securitãtem, & absconsiõnem à túrbine, & à plúvia.

PROPHETIA V.

Audi Israël mandãta vitæ: áuribus pèrcipe, ut scias prudẽtiam. Quid est Israël, quòd in terra inimicòrum es? inveterãsti in terra aliẽna, coinquinãtus es cum mórtuis:

deputãtus es cum descendẽtibus in infèrnum. Dereliquisti fontem sapiẽtiæ. Nam si in via Dei ambulãsses, habitãsses útiquè in pace sempitèrna. Disce ubi sit prudẽtia, ubi sit virtus, ubi sit intellẽctus: ut scias simul, ubi sit longiturnitas vitæ & victus, ubi sit lumen oculòrum, & pax. Quis invẽnit locum ejus? & quis intrãvit in thesauros ejus? Ubi sunt principes Gẽntium, & qui dominãntur super bẽstias, quæ sunt super terram? qui in ávibus cœli ludunt, qui argẽtum thesaurizant, & aurum in quo confidunt hómines, & non est finis acquisitiõnis eòrum? qui argẽtum fabricant, & solíciti sunt, nec est invẽntio óperum illorum? exterminãti sunt, & ad inferos descendẽrunt, & álii loco eòrum

Q

sur-